

XÍCCAA HÁPX IQUI CÓJJOOCAM

Roberto Herrera T.

Tíx óahhiha


Xíccaa ctamcö cóocj pticyácj pac toc tih hajháx hant táax iti toi hápx iqui tójjoocon yoque. Toc toi cuisíilxa taax quíssiil quij ctám oyácj quij óx itái yoque:

—Congcáac hiz coi haséaaxojaha óx téé yoque.

Ístox themloj toc toima tá hac oo ccuée yoque. Óx tpactama ihmáa quij íhhaax cötisax óx itái yoque:

—Íhhaahi. Hatcuááxoj óx téé yoque.

Óx tpactama hóoxah teme congcaac coi itááxoj yoque. Hascám ziti tahca hánt ziqui titóij yoque.



Hánt iqui ihitóij zimpáa hant oziit zipácta zimpáaha xo hascám com iti cuíihca hac tahéocö quij itááxoj hant ihíin ti con tíx contíttaat yoque. Hant ihíin cong contitat xéppée cáaccooj tintica itait haa intíhhaat ca háxxooj cong cuíizcam.

Háxxooj cong cötazcamma háxxooj toiti hascám com hánt cötoi hascám com itááxoj hást cong contíttaat yoque. Hant oziit zimáaj xahxáiiha xo hást cong contitat haa intíhhaat iti háx pac hácquiix tahcama cötázcan yoque. Háx ac cötazcam it cötoi toc tóii hax tama xíccaa pac to cuotat quínnoo tázcan yoque. Xíccaa

taax cuóccaat taax hánt ihiyaxi cuajíic hapáh táaxah pac to cuómmaat zacáammalc yoque xíccaa taax cuóccaat taax.

Xíccaa ta coi hax chít ac iti toi toc toima itáht iqui cuihín ac tíxt to ccuóiihaa yax cazíim hax tahíi hax ta to cuihca cuiht ac. Óoxo sahmpa iháizilcáa cah itnáizilca yoque.



Itnáizilca cuícquee cuám hiz quih cólx hant ojít xah yopáh táttaax ipnáil chitáaix cólx hant itjitmax ítii tongx to cóyyoom. Tix cháa con tíix an itácmolca yoque. Tí cop zitazi ihmáa tí cop mos zitazima táaxo cōtpactama itóonneec táanniipxat yoque.

Itóonneec táanniipxat hémmee míizcang xo itcuámxojiho. Itcuámxoj to cuiyáii cah thámooocma cuax mos hípi ptihaax icx tóiti yoque xíccaa tá hac cuihtolcac. Óx tpactama ihámoooc cop iti toiti táax iti toiti tmíima tássiintolca tómcá hant tóii yoque.

Óx tpactama congcaii zo to coton zix iti cuihhaa zimáaha xo óx itái yoque xíccaa tá coi:

—¡Híima híima! ¡Xocómca! ¿Áz haxéhheeya haa tih mazi tanóppaalimma matcuíima? itáh yoque congcaii com óx itái yoque.

Táxah cuiyáii iti mos píima hax pata hánt tfima ttáplcmax óx toozzaa yoque xíccaa cuajíic ta coi:

—Xíccaa pac hayóoht. Xíccaa cazíim haxóoht téeyo.

Óx tpactama íhhaa cõtmacojma cuáax itámxoj yoque:

—Congcaac xahxáii hóoxo quízziilihi hamíiht. Mízziil xo mitéemmoosoj téeyo yoque.

Óx tpactama hápx itacmolcama itóoctamma hóoxo tizil to cuóii. Inloj íizjc táaxah iti tacmolca iti toyolca toc toima cuitacóctan yoque. Ihóoctan to cuiyáii iti cuáax tpáii inloj íizjc xaha itoatj íizjoj xaha isxápcoj quih taax cóoxo tahtáxxoolimma ihatáxxooling caha háit chax itáammoma zihapx cóom ilít nóoz chantíp chano tahizjma ttápöma cuáax itóaatj íizjoj xaha inl íizjoj xaha isxápcoj quih cõtahnáxca yoque.

Óx itapactoj itáalajcma toc toima ihámmooc ícquii tanimmax záah quihmáa chaa mota cõtáafpmax xíccaa ta hac ccuóii cháx imayáxxiat cah iti tayáxxiat yoque. Táaxo cõtpecta to cuiyáii caha hóoxah teme xíccaa cáocl cáocla ta con táaxo quicot cõtayaxiat toc tóii yoque. Hipi íssoolca tá coi itmis itáining quíccoot toi toc tóii yoque. Cuáax táaxo cõtpectoj hascáaj chit íhhaajca ta con táax iti tahajca xíccaa hapx cóiitoj tá com itácötojmax xíccaa tá coi itáaitoj yoque.

Táaxo cõtpectoj to cuiyáii taax toox tayaxima cuáax mos quíssiil tí quij oyácj quij óx itái yoque:

—Hinyáac. Hánt haa xóofp. Scáanniipxat. Xneejan síctoj quih xomám téé yoque.

Óx tpactama íhhaax cõtisaxma sáanniipxat chax tahíi hax ta toc tóii yoque. To cuiyáii iti quíssiil quij taa cõtijma ctam cáii tintica tíx táanpx yoque. Congcaac coi cõtíin yoque hascám ziti tij.

Háa motama ihíin iti coftéocl hapáh hínge ac ano yop taax cuihitái hac hánt pac ano tahcama cyájjooy yopáh taax congcaac chano toi toc toima táax an haxoj táfp yoque. Hascám cáaccooj ziti tij hánt ac iti táfp yoque. Hánt ac it haxoj tafp congcaac coi quino tafp cuçam áal quij tíxah cõtamiít yoque. Cõtamiítma cuitatóomxojma. tihíimmeet háa tij hant xnít hapáh tá hac ano tij haa tíj itái yoque. Óx tpactama íyyaa caha to cuihíhtim iti hóoxah teme táttaax yoque. Hascám con tá haco iti taxquim hánto tap hást com imac toyan táttaax yoque. Hant xnít táax contíttaa yoque.

Zíx caméepiit ti moça zix cáaccooj ti moça háa motama congcaac coi quino tafpma cuamiít hax pata cuçam quij cuamiít hax pata ctam íccaal quij cuçax yáacni zo to cotom itexl cuitahízj zix tí moça iháai zo haa síihca xah ta tamoç zix xah zíc cösíppee ta tamoç tsílim hant tíhtimma ícquii tojoç itéxl izeçpxla hac an itaxquim ínnool cop ícquii tofoçzma cuipátj ac iti cuiteázxma hánt xah him itacatxma hácx tmih to cóttoon yoque.



Óx t̄pactama hatai íictin zitazi ílít quij cuitcaixma hóox
cötisojma zix ílit icáaix quij an tá hac cuam áal quij xíccaa
quiziil coi iqui cuitah táax an itaquim itóon hánt ziqui t̄ín
yoque. Táaxo cöt̄pacta to contíccaaha.

